

“WupawngNinghtoi” Hpyen Tsinyam Hkrum Masha Lakawn Hpung (WPN)

Ninghtoi- 20/6/2011

“Wunpawng Ninghtoi” Hpyen Tsinyam Hkrum Masha Lakawn Hpung (WPN) Hpe Hpaw Ninghtan Dat Ai Lam

Daini na ten, masu magaw ra lata poi galaw nna lung wa ai Myen Asuya galai ai hpang 2011 ning June shata praw (9) ya shani kaw nna Wunpawng Mungdan shara shagu de Myen Hpyen Asuya Dap ni ganawng kaput bang wa nna majan hpaw hpang wa ai majaw Myu, Bum ga, Mare Kahtawng shagu na Mungchying Mungshawa kaji kaba yawng jam jau tsin yam hkrum sha nga ai re majaw tsinyam hkrum nga ai Mung masha ni hpe garum shingtau lakawn lanawn, makawp maga lu na matu 2011 ning June shata praw (14) ya shani Sinpraw Ginwang Ginjaw (Dap Ba - 3) Ginra na, Amyu Shayi Hpung, Mare Buga Bawngring Atsam Sharawt Hpung (BRIDGE), Prat Shingran Bawngring (LVF), Kachin Women Association Thailand (KWAT), Nawku Makam Masham Hpung, Ramma, Mare Woi Awn Komiti, NGOs ni pawng hpawm n htawm **“Wunpawng Ninghtoi” Hpyen Tsinyam Masha Lakawn Hpung (WPS)** ngu ai hpe hpaw ninghtan dat saga ai.

Yaw shada lam:

1. Tsinyam hkrum wa ai masha ni hpe shinggyim nau na myit hte lakawn lanawn, gahkyin gumdin, zin lum, makawp maga na matu
2. Tsinyam hkrum nga ai ni hpe malu masha, nga shara shim lum lam hte hkam kaja lam hta garum shingtau na matu
3. Hkyak hkyak byin nga ai mabyin masa, mayak mahkak, shinggyim ahkaw ahkang tawt lai hkrum ai lam ni hpe aten dep chye lu na matu hte matsing ningting galaw na matu

Wuhpung a Hkridun Shamu Shamawt Lam

Ndai Wuhpung Wuhpawng gaw Mungchying Mung Shawa ni hpe garum shingtau ai wuhpung rai nna, amyru ru sai n-gin hka ai sha garum shingtau ai lam galaw na wuhpung rai mali ai. Anhte “WPN” Hpyen Tsinyam Hkrum Masha Lakawn Hpung ni hku nna madung hkri dun shamu shamawt galaw sa mat wa na ginra gaw Wunpawng Mungdan Shawnglawt Hpung a masat da ai Uphkawng ginra, Sinpraw Ginwang Ginjaw (Dap Ba (3)) ginra rai na re. Raitim, anhte hku nna gaw Wunpawng Mungdan Shara Shagu na Hpyen Tsinyam Hkrum Sha nga ai kaga ginra ni de mung garum ningtum du lu hkra dang di dang dep ai made matut mahkai shadu ya na ga ai. Ga shadawn Lai Za (Ginjaw Ginra), Dingda Ginwang Ginjaw (Dap Ba 4) ginra ni hte Sinna Ginwang Ginjaw (Dap Ba (2)) ginra, Dingdung Ginwang Ginjaw (Dap Kaba (1)) ginra ni a matu mung ading tawh shagun ya shalai ya na matu matut mahkai wa ai lam nga jang matut shalai ya mai ai. Anhte a kata de du pru wa ai, matut mahkai pru wa ai Wunpawng

Mungdan shara shagu na Hpyen Tsinyam Hkrum Masha ni a matu lu wa ai garum ningtum hpe lit ni hparan na Komiti (snr) Wuhpung langai hkrak hpaw ninghtan da lu ai ni kadai hpe mung matut mahkai shalai ya na ga ai. Garum ningtum hpyi wa ai shaloi funder n gahtap na matu Lai Za Ginjaw Ginra de na Slg. La Nan hte Hpaw Yu Htoi Bu ni hte mung Shiga Malet Network galaw hkat na matu jahkrum da ai lam nga ga ai.

“Wunpawng Ninghtoi” Hpyen Tsinyam Hkrum Masha Lakawn Hpung (WPN) hku nna 14/6/2011 ya shani kawn galaw nga ai magam bungli ni gaw;

- (1) Hpyen hprawng Tsinyam hkrum ai mung mare masha ni hpe san sagawn matut mahkai la nna gawan gatsan zinlum ai lam galaw ai.
- (2) Hpyen hprawng tsinyam hkrum nga ai masha ni hta ra kadawn nga ai malu masha, tsi mawan, galup na matu plastic, wan shadaw hpun palawng ni hpe tinang buga masha ni, amyu shayi ni kawn di dun nhtawm garum ningtum ai lam hpe galaw nga ai.
- (3) Hpyen hprawng tsinyam masha ni nga nga ai shara ni de sa du nna tsi mawan garan jaw ai lam, machyi makaw hkrum nga ai ni hpe tsi tsi gawn lajang ai lam ni galaw nga ai.
- (4) Ma kaji ni hte ma kanu ni a hkam kaja lam hte myit, hkrum hkrang shim lum lam lu hkra zinlum, garum shingtau ai lam galaw ai.
- (5) Hpyen hprawng tsinyam masha ni hpe Miwa mungdan asuya kawn tara shang dabang ni hpaw nna hkap la ai lam n nga shi ai majaw tinang mungdan jarik kata hta hpyen koi yen shara ni hpe mai byin ai shara ni hta hkyen lajang ai lam ni galaw ai.
- (6) Mungdan kata/shinggan na shinggyim nau na myit hte garum ningtum alu jaw mayu ai, jaw lu na wuhpung wuhpawng ni hte mung hkum ding dek ni hte mung matut mahkai ai lam galaw nga ai.

Sinpraw Ginwang Ginjaw Kata Na Mare/kahtawng, Htinggaw, Masha Jahpan

No	Mare/kahtawng Mying	Mare Jahpan	Htinggaw Jahpan	Masha Jahpan Num/La	Matsing
1.	Man Maw Ginwang	134	668	33,825	
2.	Shwigu Ginwang	78	696	16,591	
3.	Ulang Pa Ginwang	98	486	6,257	
4.	Lak San Loi Je Ginwang Daw	9	885	5,362	
5.	Lak San Mai Ja Yang Gaiwang	26	875	6,558	
	Yawng Pawng	343	3,610	68,593	

Ndai ginra na mung mare masha ni gaw ya ten mare buga hta shim lum lam n nga mat sai majaw gaw nkau Miwa hkran de, nkau Myu mare buga de hprawng mat wa ai ni, nkau Miwa Jarik hte ni kahtep ai mare ni de hprawng koi yen mat wa ai ni hkrai rai ma sai. Raitim, Miwa mung de shang wa ai ni hpe mung Miwa Asuya kaw na atsawm shara masat nna hkap lakawn ai lam n nga ai re majaw Refugee kade Miwa ga de hprawng shang sai ngu ai jahpan hpe madun na matu yak nga ai hku re. Ya ten shani shana Miwa ga de yan shang ai ni law nga ai. Miwa ga de tara shang shang lu ai shara gaw Loi Je pru shang gate hte Mai Ja Yang gate (1) sha nga ai re. Gate hku tara shang n mai lai ai ni gaw lam makoi, Lam kaji hku lagu lai ai ni law malawng rai nga ma ai. Raitim, ya ten si nat mahku n na sai re majaw sim sa sai wa manu ngu nna Miwa hkran de du hprawng yen ai masha ni hpe shadut nga ai masa rai nga ai.

Ndai zawn Miwa ga de Hpyen Tsinyam Koi yen Dabang atsawm san tawn ai lam n lu san tawn shi ai marang e Miwa mung kata du ai Wunpawng sha ni gaw dut sha hkrum ai lam grai byin wa lu nga ai.

2011 ning June shata praw (9) ya shani kaw na byin hpan ai Sang Gang hte Bum Sen Bum gasat poi byin ai shara gaw Man Maw Ginwang kata na Sin Lum Bum Ninghtawn ngu ai hta re. Ndai Lak San Sinlum Bum Ginwang Daw kaw mare yawng (62), hting gaw (2578), masha num la yawng (15419) re.

20/6/2011 Ya Shani Du Hkra Lu La Da Ai Hpyen Hprawng Bu Htawt Masha (IDPs) hte Tsin Yam Masha Jahpan
(Refuges,Maram Masam)

No.	Original Place	Temporary Staying Place	F	M	Cld	Total	Remark
1	Mung Loi Village	Bum Ring Zup vlg	52	28	81	158	
2	Kawng Ra Zup Village	Hka Lum Pa	8	7	23	38	
3	Hkai Bang Village	Bum Ring Zup	3		8	11	
4	Maru Yin Sung Village	Bum Ring Zup	4	2	9	15	Under12 (fm-4,m-5), Over 13 (fm-4,m-2)
5	Mazup Pa Village	Hka Lum Pa	16	4	23	43	Under 12 (fm-15,m-4), Over13 (fm-16, m -4)
6	Hkai Bang Village	Hkin Dik	4	4	9	17	Under 12 (fm-6, m-3), Over 13(fm-4, m-4)
7	Balawng Kawng Village	Jegau Hka Nan	23	7	30	60	Under 12 (fm - 6, m-3),Over 13 (fm -4, m-4)
8	Mung Hka Village	Jegau Hka Nan		7	18	25	Under 12(fm-8,m-10),Over 13 (fm -7)
9	Law Mun Village	N'mawk	30	6	57	93	Under 12 (fm-39, m-18), Over13 (fm-30, m-6)
10	Prang Hkudung Village	Na Ru bum, Hka Ya Pa	59	49	182	290	Under 12 (fm-59, m-49), Over 13 (fm -93,m-89)

11	Maru Village	Bum Ring Zup	4	1	11	16	
12	Sang Gang Village	Nhkawng Pa	38	27	83	148	Under 12(fm-38,m-27), Over 13 (fm-55, -28)
13	Balawng Kawng Village	Nhkawng Pa	6	1	20	27	
14	Hpakawn Village	Mahtang				157	
15	Mung Hka	Seng Mai Pa	4		10	14	
16	Lamai Bang	Seng Mai Pa	6		8	14	Back from China (19/6/11)
17	Sama Yang	Seng Mai Pa	4	1	11		Back from China (19/6/11)
18	Law Hkum	Seng Mai Pa	4	6	8		Back from China (19/6/11)
19	Man Da and from other villages	Mahtang	46	27	97	170	
20	Ka Daw and from other villages	Hkauna Pa	189	74	267	530	
21	Law Mun Mare	Mai Ja Yang	2	3	3	8	
22	Kawng Ra Zup	Mai Ja Yang	2			2	
20	Mung Loi	Mai Ja Yang	3	1	9	13	
			507	255	967	1847	

Miwa ga hte mungdan kata, myo de hprawng koi yan du nga ai tsimyan jahpan

No.	Original Place	Temporary Staying Place	F	M	Cld	Total
1.	Shan State (N) – 4	Shwe Li	3		4	7
2.	- 6	Je Gau	1		3	4
3.	Dung – 2	Je Gau	3		5	8
4.	Man Wing	Muse	1		4	5
5.	Katsu, Ga Ra Yang, Awng Mye 1,2 Mada, Sam Pai					120
6.	Nam San, Gang Dau, Ning Pawn, Ja Pu, Dabak, Katsu, Ga Ra Yang, San Pai,	MKA, Wai Maw jinghku ni kaw bra nga ai				450

Byin Nga Ai Mayak Mahkak ni:-

- (1) Hpyen hprawng tsinyam masha ni gaw malu masha, tsi mawan ni kadawn nga ai.
- (2) Shim lum ai nga shara n lu ai majaw machyi makaw, kan mase ana, hkali, hkawaw ana ni law malawng byin jawng nga ai.
- (3) Ma kaji hte ma kanu asak kaba sai dinggai dingla ni, ma hkum kanu ni, ma sha-up kanu ni nutrition ra kadawn taw nga ai.
- (4) Lanam ten re majaw Tsinyam Masha Lakawn Hpung ni hku nna nam mali, nam maling, yi hkan hprawng hkawm nga ai hpyen hprawng tsinyam masha ni hpang de malu masha shadu ya lu na matu hkrun lam yak hkak ai.
- (5) Miwa jarik kaw Miwa hkran na malu masha hte tsi mawan ni htaw shalai ai lam hta yak hkak dut dang ai lam ni loi li nga wa ai.
- (6) Ya ten mare buga masha ni gaw yi sun, hkauna ni hpe n hkai ngut ai sha tawn kau da ra ai majaw aten galu hta lu sha grau kadawn wa na masa nga ai.

Ya ten hkyak hkyak garum ningtum na ra nga ai lam ni:

- (1) N'gu, Jum, Sau, Wan shadaw, Dat wan, Dwi tawng (Candy), Muk, Hkau Soi jahkraw, Na hkam ai baw malu masha
- (2) Ma kaji ni a nutrition malu masha
- (3) Tsi mawan
- (4) Plastic mu ka
- (5) Sut, hpun nba
- (6) Hpun palawng

Saw Shaga Dat ai Lam

Hkungga tsaw ra kam hpa ai, mungdan kata na, mungkan mungdan shara shagu de chyam bra nga ai Wunpawng Amyu Sha ni yawng hte shinggyim nau na tsaw ra myit madun mayu ai mungkan mungdan shara shagu na hpu nau amyau baw sang yawng hpe mung ndai zawn jam jau tsinyam hkrum nga ai, Wunpawng amyau sha ni hte Wunpawng Mungdan hte Sam Mung (Dingdung) daw na hpyen hprawng tsinyam masha ni hpe garum shingtau la na mayu ai ni kadai

mung anhte “Wunpawng Shanan” Tsinyam Masha Lakawn Hpung (WPS) de shiga jaw matut mahkai wa shajang na matu ndau, saw shaga dat ga ai.

Contact e-mail: mjykachin11@gmail.com

Contact person: (1) May Li Aung – Phone No: + 86 - 15368662565
+ 86 - 15687577173

(2) Hkaw Lwi - Phone No: +86 - 18988207703

Bank Account Information:

Gumhpraw shalai jang Chiangmai kaw na Kachin Center hte KWAT de shana na matu;

Kachin Center Amu Madu: Baw Jaw La Doi - +0066 810 310 230

KWAT Coordinator - Moon Nayli - + 0066 856 251 912

Account Name: RENU TUNGPAO

Account Number: 675-0-0-7649-6

ABA/SWIFT Code: BKKBTHBK

Bank Name: Bangkok Bank

Bank Branch: Ruam Choke

(1) Mungdan shinggan de du nga ai ni Kachin Women Association Thailand and Kachin Center hte matut mahkai nhtawm lawu na bank account kaw gumhpraw ni hpe shalai mai ai.

(2) Mungdan kata na shagun mayu ai ni gaw Contact person ni hte matut mahkai nna shagun wa mai ai.